

## 《淨土十疑論》 補充講表

### ◎附表十二：

○譬如萬年闇室，日光暫至，而闇頓滅，豈以久來之闇，不肯滅耶？

※《佛遺教經》云：「汝等比丘，求善知識，求善護助，無如**【不忘念】**（如理作意之意）。若

有不忘念者，諸煩惱賊則不能入，是故汝等常當攝念在心。若失念者，則失諸功德。若念力堅強，雖入五欲賊中，不為所害，譬如著鎧入陣，則無所畏，是名**【不忘念】**。」

※蕩益大師於《佛遺教經解》云：「無聞行，如覆器不能受水；無思行，如漏器雖受而失；

無修行，如穢器雖不漏失，穢不可用。今有**【不忘念】**，則有三行；有三行者，能破無始煩惱怨賊。是故常當攝念在心，即著堅鎧入陣，則不被賊害，而能殺賊矣！」

○念佛之心，從聞佛清淨真實功德名號，緣無上菩提心生，一真、一偽，

※《阿彌陀經要解》云：「具此深信，方能發於大願。文中應當二字，即指「深信」。深信

發願，即無上菩提。合此信願，的為淨土指南。由此而執持名號，乃為正行。」

※《阿彌陀經要解》云：「復次願生彼國，即欣厭二門。厭離娑婆，與依苦集二諦所發二種

弘誓相應。欣求極樂，與依道滅二諦所發二種弘誓相應。故得不退轉於大菩提道。」

○一聞滅除藥鼓，即箭出毒除。

※《佛說首楞嚴三昧經》云：「菩薩住首楞嚴三昧，眾生見者，貪恚癡病皆得除愈。如大藥

王名曰：滅除，若鬪戰時用以塗鼓，諸被箭射刀矛所傷，得聞鼓聲，箭出毒除。」

○念佛之時，以無間心、無後心，遂即捨命，善心猛利，是以即生。

※《大智度論》卷第二十四云：「

問曰：熟、不熟義可爾；臨死時少許時心，云何能勝終身行力？

答曰：是心雖時頃少，而心力猛利，如火、如毒，雖少能成大事。是垂死時心，決定猛

健故，勝百歲行力；是後心名為大心，以捨身及諸根事急故。如人入陣，不惜身命，名為健。如阿羅漢捨身是身著故，得阿羅漢道。」

※《中華佛教百科全書》云：「【在決定】，指就造業時期的緩急而作比較。即造罪是在

平生康存之日，以容預不定的有後心、有間心所造作。十念是在臨終迫切，以更無有餘生的無後心、無間心相續，其心無有容預。如是比較三義而知十念重，因此五逆之人得由十念相續得往生。」

○為念佛時，心猛利故，伏滅惡業，決定得生，不須疑也。

※《觀經四帖疏》卷第四云：「此猛利心，從二緣發：一、值善友。二、為苦逼。心怖惡道，

耳聽佛名，是故牢強至誠稱念。既境勝心猛，故時少功多，能超百年悠悠願力。若此二緣，猛心不發，此人乃是合墮地獄也。」

○上古相傳，判十念成就，作別時意者，此定不可。（以下糅合《佛光大辭典》）

◆指如來以別時之意趣而說法。又作別時意趣、時節意趣。為四意趣之一。如誦持多寶佛名，決定於無上菩提不更退墮；或謂僅由發願，即得往生安樂佛土。此乃如來為勸誠懈怠、不樂修行之眾生，就別時利益而說，非言今時即得之。

※《攝大乘論釋》卷六云：「是懶惰善根，以誦持多寶佛名，為進上品功德。佛意為顯上品功德，於淺行中，欲令捨懶惰，勤修道，不由唯誦佛名，即不退墮，決定得無上菩提。譬如由一金錢營覓得千金錢，非一日得千，由別時得千，如來意亦爾；此一金錢為千金錢因，誦持佛名亦爾，為不退墮菩提因。」

◆不由：不禁，忍不住。